

玄覽堂叢書

第五冊

宋史文獻通考卷三十三

西夏

西夏其地即赫連國也本魏拓拔氏遠祖思恭
唐賜姓李至宋李繼遷始大據夏銀綏宥靜五
州緣境七鎮東西二十五驛南北十餘驛繼遷
初臣宋賜姓趙已而叛宋附遼授夏州都督復
姓李自後連年三貢妻以文成公主封夏國王
定難軍節度使李繼俸復附遼封西平王仍賜
推忠効順啟聖定難功臣連來貢繼遷有子德

明曉佛書通律法嘗觀太乙金鑑訣野戰歌製
番書十二卷繼遷死德明立妻其子元昊興平
公主以為駙馬都尉德明死元昊立歲來貢已
因納黨項之叛興兵攻之元昊服罪乃罷兵元
昊死子諒祚立為夏國王初與遼絕尋稱臣奉
貢如故諒祚死子秉常嗣為王秉常死子乾順
嗣復尚成安公主遼亡臣于金天眷二年乾順
死子仁孝立後其臣任得敬專國政欲分夏國

仁孝分西南路及靈州囉龐領地與得敬自為
國上表為求封建臣議許之上曰此必權臣逼
奪非夏王本意况稱藩歲久一旦逼於賊臣朕
為四海主能容此耶不許其請已仁孝誅得敬
及其黨與上表謝初以仁孝請置蘭州保安綏
德權場未幾罷至是仁孝請復舊詔仍置綏德
權場使人止許留都亭貿易仁孝死子純祐立
復置蘭州保安權場仁孝弟仁友子安全廢純

西夏
祐自立純祐母羅氏表言純祐不能嗣守安全
宜立遂封安全為夏國王安全死族子遵頊立
遵頊先以狀元及第充大都督府主時金兵敗
績于會河堡夏人乘勢侵掠邊境已邨延路奏
夏人牒報用彼國光定年號遂與金絕亡何與
金相繼而亡矣

外史氏曰西夏為國其傳最久至繼遷始跋扈
作逆與宋遼金相終始彼其稱藩尚主世有間

矣而服則臣叛則侵夷性之常無足怪者夫綏
服禦叛所羈縻勿絕則王者治夷之長策哉

金相繼而亡矣

明熹宗神宗萬曆三十八年五月丙戌改元為泰昌
長治元年四月丙辰改元為天啟

回紇

回紇匈奴之苗裔也俗多乘高輪車元魏時號
高車部或曰勅勒訛為鐵勒其部落曰袁紇曰
薛延陀曰契苾羽曰都播骨利幹曰多覽葛曰
僕骨曰拔野古曰同羅曰渾曰思結曰斛薛曰
奚結曰阿跌曰白霫凡十五種皆散處磧北袁
紇亦曰烏護曰烏紇至隋曰韋紇其人驍彊無
酋長善騎射臣於突厥突厥常資其財力大業

中處羅可汗攻鐵勒集其渠豪數百坑之韋紇
乃并僕骨同羅拔野古叛去自為俟斤稱回紇
云回紇姓藥羅葛氏居薛延陀北婆陵水上距
京師七千里衆十萬勝兵半之地磧鹵有時健
俟斤者衆推為君長子曰菩薩材勇有謀戰必
身先所向輒摧故下皆畏附為時健所逐時健
死部人立菩薩母曰烏羅渾性嚴明能決平部
事回紇繇是寔盛與薛延陀共攻突厥破頡利

十萬衆追北至天山俘獲甚多輟震北方繇是
與薛延陀相唇齒唐貞觀三年始來貢方物突
厥已亡惟回紇與薛延陀最彊菩薩死其酋胡
祿俟利發吐迷度與諸部滅薛延陀并有其地
遂南踰賀蘭山遣使者獻款太宗為幸靈州次
涇陽受其功於是鐵勒十一部皆來言延陀不
事大國以自取滅亡其下屬駭鳥散不知所之
今各有分地願歸命天子請置唐官乃以回紇

部為瀚海多覽葛部為燕然僕骨部為金微拔
野古部為幽陵同羅部為龜林思結部為廬山
皆號都督府以渾為臯蘭州斛薛為高闕州阿
跌為鷄田州契苾羽為榆溪州奚結為鷄鹿州
思結為蹄林州白霽為真顏州其西北結骨部
為堅昆府北骨利幹為玄闕州東北俱羅勃獨
龍州皆以首領為都督刺史長史司馬即故單
于臺置燕然都護府統之六都督七州皆隸屬

烏以李素立為燕然都護其都督刺史給玄金
魚符黃金為文天子方招寵遠夷作錦袍珍器
賜之帝坐秘殿陳十部樂賜回紇數千人飲渠
領共言生荒陋地歸身聖化天至尊賜官爵與
為百姓依唐若父母然請於回紇突厥部治大
涂號參天至尊道世為唐臣乃詔磧南鵬鶻泉
之陽置郵六十八所具群馬湏肉待使客歲內
貂皮為賦乃拜吐迷度為懷化大將軍瀚海都

督然私自號可汗署官吏吐度後為烏紇所殺
子婆閏嗣婆閏死子比栗嗣龍朔中以燕然都
護府領回紇更號瀚海都護府以磧為限而北
諸蕃悉隸之比栗死子獨解支嗣武后時突厥
默啞方彊取鐵勒故地故回紇與契苾思結渾
三部度磧徙甘涼間然唐常取其壯騎佐赤水
軍云獨解支死子伏帝匐立明年助唐攻殺默
啞於是別部移徙頡利發與同羅雷等皆來歸

詔置其部於大武軍北伏帝匍死子承宗立涼
州都督王君奭誣暴其罪流死襄州既而族子
瀚海府司馬護輸與衆共殺君奭梗絕安西諸
國朝貢道久之奔突厥死子骨力裴羅立會突
厥亂天寶初裴羅與葛邏祿自稱左右葉護助
拔悉密擊走烏蘓可汗後三年襲破拔悉密斬
頡跌伊施可汗遣使上狀自稱骨咄祿毗伽可
汗天子以為奉義王南居突厥故地徙牙烏德

驪山昆河之間南距西城千七百里西城漢高
闕塞也北盡磧口三百里悉有九姓地九姓者
曰藥羅葛曰胡咄葛曰咂羅勿葛曰貊歌息訖
曰阿勿啗曰葛薩田斛嗚素曰藥勿葛曰奚邪
勿藥羅葛回紇姓也與僕骨渾拔野古同羅思
結契苾六種相等夷不列於數后破有拔悉密
葛邏祿總十一姓並置都督號十一部落詔拜
裴羅骨咄祿毗伽闕懷仁可汗明年裴羅又攻

殺突厥曰眉可汗遣頓啜羅達於上功拜裴羅
左驍衛員外大將軍斥地愈廣東極室韋西至
金山南控大漠遂盡得古匈奴地矣裴羅死子
磨延啜立號葛勒可汗剽悍善用兵歲遣使者
入朝肅宗即位可汗自將與朔方節度使郭子
儀合討同羅蕃破之又令其太子葉護將四千
騎泛上破賊收長安進復東京回紇大掠東都
廣平王令耆老以繒錦萬疋賂回紇乃止不剽